

J. F. BLUMENBACH.

SPECIMEN ARCHAEOLOGIÆ

TELLURIS.

1803-16.

E-B

84.7

Library of the Museum  
OF  
COMPARATIVE ZOOLOGY,  
AT HARVARD COLLEGE, CAMBRIDGE, MASS.

Founded by private subscription, in 1861.

DR. L. DE KONINCK'S LIBRARY.

No. 1321.





IO. FRID. BLVMENBACHII

ORDINIS REGII GVELPHICI EQVITIS

PROF. MEDIC. BRITANNIAR. HANNOVERAEQVE REGI AB AVL. CONSIL

SOCIET. REG. SCIENTIAR. GOTTINGENS. SODALIS ET A

LITTERIS EIVS SECRETIS

ACAD. REG. SCIENTIAR. BEROLINENS. BAVAR. SVECICAE HOLM. AMERICANAEC

BOSTON. ITALICAE FLORENT. ET PISANAEC. MEDICO - CHIRVRGICAE PETRO-

POLIT. SOCIET. REG. LONDINENS. PHILOS. PHILADELPHICAE. ROTTERD

DAMENS. HAARLEMENS. NATVRAE SCRVTATOR. BEROLINENS. ET EDIN-

BVRGENS. LINN. LONDINENS. MEDICO - CHIRVRGICAE LONDINENS.

MEDICAE PARISINAEC. LONDINENS. HAVNIENS. ET MOSCOVIENS.

ALIARVMQVE PLVRIVM SODALIS

S P E C I M E N

# ARCHAEOLOGIAE TELLVRIS

TERRARVMQVE INPRIMIS HANNOVERANARVM


ALTERVM.

---

G O T T I N G A E

A P V D H E N R I C V M D I E T E R I C H

1816.



---

S P E C I M E N  
ARCHAEOLOGIAE TELLVRIS  
TERRARVMQVE INPRIMIS HANNOVERANARVM  
A L T E R V M.

R E C I T A T U M  
IN CONSESSV SOCIETATIS ANNIVERSARIO  
D. XX. NOVEMBR. MDCCXIII.

---

*Introitus.*

Saepius iam et quidem acute satis et ingeniose prisci aeui, praefertim antediluviani aut si mauis praeadamitici corpora quondam organica iam vero fossilia quae vulgo petrificata vocant, eatenus antiquae artis monumentis, numismatibus, inscriptionibus, aliisque id genus documentis comparata accepimus, vt quemadmodum haec illustrando historico studio (proprie sic dicto) famulantur, ita ista naturali historiae orbis terrauei inseruire, et magnarum mutacionum imo vero conuerzionum quas planetes noster olim subiit, fidissimos extare testes; quae fossilia ideo vir summus quo terras Hannoveranas gloriari licet, LEIBNITIVS, in protogaeis quae originibus suis Guelphicis tanquam prodromum praemittere constituerat, vestigia naturae appellat, quae nobis pro *historia* sint.

Et vt in terris quae diuersis temporibus multifarias status sui conueriones expertae sunt, vt Aegyptus, Indica peninsula, Hispania

nia etc. ipsa ista quae innuimus historica monumenta *ordinem* quoque et *successionem* eiusmodi subuersionum declarant, ita et curius studium petrificatorum at relatiuae in primis positionis, quavariae eorum diuersae plane originis classes et genera ad inuicem se habent itidem chronologicum ordinem ingentium quas tellus subiit mutationum manifestat.

Et dici vix potest quantopere neglectus critici huiusmodi studii petrificatorum, progressum et incrementa cognatarum disciplinarum, geologiae praesertim et geographiae physicae retardauerit, innumeriorum vero in iisdem errorum et confusionum uberrimus fons extiterit.

Vt enim antiquiores taceam de oryctographia (vt quondam haecce disciplina audiebat) scriptores qui petrificata omnia ac singula ad vnam eandemque catastrophen, cataclysmum scil. vniuersalem referebant, (non maiori sane iudicii acumine ac si quis omnis generis numismata quae passim in Sicilia eruuntur, fuerintne Magnae Graeciae coloniarum, aut Carthaginensia, aut Romana, Arabica etc. ad vnam eandemque epocham referenda somniaret) mirum sane et nuperis temporibus viros exitisse doctrinā et ingenio valentes qui tamen bina diuersissima aeui praeadamitici nostris in zonis temporis spātia inuicem confuderunt, alterum nempe quo oceanus adhuc hasce regiones late occupabat, alterum vero quo post huius antiqui maris repentinum casum iam quidem videmus *factas ex aequore terras alluviumque solum quo hae ipsae teguntur innumeras reliquias animalium terrenorum et vegetabilium eiusmodi generum sepeliens qualia hodie non nisi sub vrente tropicarum regionum coelo viuere possunt.*

Aut grauiter fallor aut prima de vtriusque quod innuimus aeui petrificatis eorumque origine expositio naturae veritati accommodata ab ipsa Societate nostra profecta est. Siquidem HOLLMANUS quondam noster, ipsi huic sodalitio iam inde ab incunabilis eius

eius adscriptus, primis iam eius commentariorum voluminibus tam de ratione verisimillima qua prisci maris fundus in terram continentem versus fuerat, quam de spoliis fossilibus animantium tropicorum, nostris in regionibus hospitantium curatissime egit. In altera nempe commentationum huc facientium eam fundi primaeui marini in nouam continentem terram mutationem ad collapsum antiquioris superficie terrestris hincque ortas ingentes cryptas ac voragini res fert in quae oceanus se receperit, quae quidem ingeniosa et phaenomenis geologicis ad amissim respondens explicatio proxime abest a nupero systemate geologico illustris nostri Collegae DE LUC, quod praesertim in ea parte qua cum Hollmanni theoria conuenit summum et fere maximum plausum tulit.

Altera commentatione Hollmannus ossa fossilia ad radices Hercyniae Syluae Osterodam inter et Herzberg eruta, omnium oryctographorum primus tam eximia vere anatomica accuratione describit, vt in historia huius studii litteraria tanquam princeps et classicus auctor epocham facere dicendus sit.

Patuit vero studiosa viri meritissimi indagatione ossa haec *ad quinos* pertinuisse Rhinocerotes, eosque partim adultos, partim iuiores; et si memorabile et hactenus inauditum erat, id generis belluarum Indicarum fossiles reliquias in plagis temperatis aut boreilibus effodi, maxime tamen mirationem mouebat tantus istorum animantium numerus qui vno eodemque margae calcareae strato sepultus fuerat.

Refutatur vel hoc vnico exemplo toties et nuperis adhuc temporibus a magni nominis geologis PALLASIO v. c. FORSTERO patre, Com. DE VELTHEIM aliisque asserta hypothesis qua exuuias nostris in terris fossiles huiusmodi animalium tropicorum *diluvio* quodam tribuebant, quod ex Indico oceano orsum, plagas orbis veteris cauro subiectas quondam inundarit, et ista spolia exotica nostris terris attulerit.

Quanto enim ne dicam miraculo, verum variorum miraculorum concursu opus fuisset ut integra rhinocerotum *familia* violentissimo cataclysmi impetu ex remotissima orientali India, usque ad Hercynicas valles quingentorum ad minimum supra mille germanicorum milliarium tractu, *indiuisa* prolui potuerit.

Verum in hac hypothesi, aliis etiam argumentis ex oryctologica disciplina petitis, refellenda iam priore quod Sodalitio nostro exhibui specimine archaeologico, occupatus fui, cui iam alterum Specimen aut saltem ad prius illud Spicilegium iungere liceat, cui fossiles reliquiae aliorum animantium exoticorum ansam praebuerunt in vicinia eiusdem loci reperta ex quo ante sexaginta et quod excurrit annos, ossa ista rhinocerotum eruta erant.

### §. 1.

*Ossa fossilia variis generis animantium mammalium hodie tropicorum prope Osterodam nuper detecta.*

Contigit nempe primo vere a. 1808 ut in eodem hercyniae siluae promontorio, Osterodam inter et vicinum huic vrbi pagum Dorste, dimidii milliarii distantia ab eo quo istam rhinocerotum familiam repertam esse diximus, alias, imo siue varietatem species siue copiam magis adhuc diues ossium fossilium thesaurus effoderetur. Vix duorum pedum altitudine sub solo sepultus casu detegebatur cum agricultae margaceum cui inhaerebat stratum, vicinis gypsi collibus interpositum, ad emendandos agros effoderent. Cura clarissimorum qui Osterodae degunt virorum, praefecti Regii KERN et pharmacopolee HINCK insignis selectus memorabilium horum ossium ad me peruenit quae nunc supellectilem meam archaeologiae telluris inferuentem ornant; et quae partim primus adspectus, partim accuratiior indagatio ad terna praesertim animantium praeadamiticorum, hodie tantum tropicorum genera, rhinocerotis inquam, elephanti et hyaenae pertinere, docuit. Quibus si addideris alia huiusmodi

huiusmodi ossa fossilia leoninis aut tigridi affinis animantis similia pridem iam ibidem haud procul Osteroda versus Herzbergam effossa, qualia tam in Museo academicо quam in mea collectione seruantur, tum vero et ingentem copiam ossium vrsi spelaei quibus spatiose cauernae subterraneae Scharzfeldenses scatent, memorabile sane habes specimen *Faunae*, vt vocant, primaeuae et antiquissimae terrarum hodie temperatarum Hercynicarum quondam vero climatis respectu utique tropicis analogarum.

## §. 2.

*Elephas primigenius.*

Elephantina ista ossa ad non vnum tantum sceletum pertinuisse, vel dentium molarium varia magnitudo praesertim vero coronae eorum diuersimode detritae docent.

Nota enim est miranda ratio tum primae dentitionis tum successivae mutationis quam molares huius belluae dentes aetatis progressu subeunt. Siquidem hi e laminis erectis et parallelis compoti, non vt in aliis animantibus dentatis tota coronae superficie, verum anteriore saltem angulo e gingivis prorumpunt, cui sensim proxime adiacentes tum vero et reliquae laminae ita succedunt vt priores interea non solum quod ad coronam manducando deterantur, verum et integra strata anteriora, corpus dentis cum radice formantia, absorbeantur, adeo vt dentis qui dum adhuc integer gingivis inhaeserat duodecim libras et ultra pondo aequauerat, deinde vix paucarum vnipiarum exiguis quasi modulus superfit. Huius successivi decrementi ratio et modus in dentibus Dorstenibus de quibus agimus luculenter ita apparuit vt nullatenus vnius saltem *elephantis primigenii* sed plurium et quidem valde diuersae aetatis fuisse, facile constet. Ita inter eos qui in meam supellectilem transierunt, maximus mole, cuius corona 7 pollices longitudine aequat, et qui 16 laminis distinguitur, saltem antico apice exiguum detri-

menti

menti quod manducando expertus est, notulam monstrat; reliqua coronae superficie adhuc ut in gingivis latuerat, conuexa et plane intemerata. In alio contra, 5 pollices longo et 12 tantum laminis constante, anterius coronae dimidium plane detritum est. Tertius 4 pollices longus et 3 tabulis constans, corona tota quanta aequaliter detrita. Quartus denique omnium minimus, vix bipollicaris, sex laminarum, corona fere vsque ad radicem plane consumpta. Verum iunctim cum his molaribus etiam eburnei dentes exserti plures sed valde diuersae magnitudinis effossi quos itidem ad plures neque eiusdem aetatis elephantos pertinuisse in aprico est.

### §. 3.

*Recensus ossium elephantis primigenii antea iam in Hercynia filua eiusque viciniis effosorum.*

Sed et antea iam tam in Osterodensi agro quam in aliis Hercyniae syluae confiniis elephantorum fossiles reliquias erutas nouimus, vt medio Sec. XVII<sup>mi</sup> in vicinia Herzbergse a); 1724, 1742 et c. 1772 ad Osterodam b), 1748 et 1803 in Comitatu Hohnsteinensi prope Manderode c) et Steigerthal d), imo diuersis temporibus in ipsa celebri specu Baumannni e). Hae quidem omnes statim cum dexterentur pro genuinis elephantorum ossibus et dentibus agnitate.

Quis

- a) AUG. SCHEFFER iter hercynicum a. 1663 in GRUNDIGII *Sammlungen zur Natur- und Kunstgeschichte* T. II p. 951.
- b) ALB. RITTER Rector Ilfeldens. in annotationibus Mscis quas bibliotheca academica seruat, it. IO. FR. KOENIG in KOHLII *Hamburgischen Berichten* T. XIII. 1744. p. 499. et HOLLMANNUS in *zufälligen Gedanken* P. VI. p. 173.
- c) RITTER l. c.
- d) ILL. FEDER in *Hannover. Magazin* a. 1806.
- e) testibus LESSER von der Baumannshöhle p. 14. ZÜCKERT in *Beschr. des Unterharzes* p. 62, SILBERSCHLAG in *geogenia* T. I. p. 72, et MÄRK in *seconde Lettre à Mr. de CRUSE* p. 84.

Quis vero dixerit quantus eorum numerus antea effossus sed natura eorum male ignorata vagis nominibus lusuum naturae aut vni-cornu fossilis aut gigantum ossium etc. venerit.

## §. 4.

*Ossa fossilia elephantina sero denum pro talibus agnita.*

Memorabili enim exemplo est litteraria ossium fossilium, in primis vero elephanti primigenii, historia, quam difficile interdum persuadeatur veritas vel doctis ceteroquin viris, quodsi praeiudicata opinione pridem inueterata et peruulgata, obcoecati fuerint. Quanquam enim iam Seculo XVI<sup>o</sup> medio vir de vniuersa naturali historia impense meritus, VLYSS. ALDROVANDVS mandibulam elephanti fossilem rite pro tali agnouerat et descripserat f), integro tamen fere cum dimidio seculo adhuc opus erat, antequam veram de horum osteolithorum natura et origine sententiam erroneis circa eos opinionibus praequaluisse vidimus. Ita enim vt pauca saltem commemorare liceat, quum a. 1695 insigne sceleton fossile giganteum Tonnae in ducatu Saxo-Gothano erueretur: vnicus tunc temporis fuit TENZELIVS, historiographus ducalis et bibliothecae praefectus, vir multifariam eruditus, qui elephanto id tribueret g), acerri-

f) v. *Tutte le statue antiche che in Roma si veggono, raccolte e descritte per M. VLISSE ALDROANDI.* Rom. 1556. 8. et al. Iuuenile sed ad archaeologicum studium magni momenti opus cum in eo summa artis statuariae monumenta vt Venus Medicea, Antinous vulgo sic dictus, Politor vt audit, aliaque non solum primum, verum et ita describuntur uti partim mutila reperta sunt, antequam nuperorum artificum manus ea ex coniectura restaurauit.

g) Primum in *monatlichen Unterredungen* m. Apr. 1696. p. 297 sqq.

tum in epistola ad MAGLIA BECHIVM de sceleto elephantino Tonnae nuper effosso. Goth. 1696. 4.

et in *curieusen Bibliothec* T. I. p. 249 sq. et 1198 sqq.

acerrimos propterea nactus aduersarios, in quibus praesertim totum ducale collegium medicum eminebat, quod quidem numerosis scriptiōnibus animalem originem horum ossium peruvicaciter negare, sed ea: "pro substantia mere minerali in margā arenosa tanquam in sua matrice ludente natura fortuito sensim formata," venditare audebat h). Doctissimus contra IO. LVDOLPHVS, classicus historiae Aethiopicae auctor, ossa ista vere elephantina quidem fuisse infitias ire nolebat, tantum tamen aberat ut ea pro fossilibus geologiae documentis agnosceret, quin potius pro reliquiis istius elephanti, quem Carolus M. imperator aluerit et qui in Thuringia forte obierit, siquidem "vnico hoc exemplo contigisse" putabat, "cum nullum aliud ynquam datum fuerit" i). Quando a. 1577 similia ossa in Lucernensi Heluetorum ditione eruebantur, FEL. PLATER celeber tum temporis apud Basileenses artis medicae Professor, egregie anatomicē doctus, et historiae naturalis studiosissimus, ea sigillatim contemplatus, humana esse declarauit, gigantis inquam vnde uiginti pedes longitudine aequantis, qua quidem tanti in sua arte magistri auctoritate permoti Lucernenses, ab eo inde tempore gigantem istum putatitum insignibus urbis suae adiunixerunt, naturali quam PLATERVS ipsi tribuerat magnitudine in curia depictum exhibuerunt, ossa vero ipsa tanti conterranei in tabulario ciuitatis sancte afferuārunt k). Interim nuperis temporibus alias Heluetus, de litteris de-

que

h) v. Kurtze doch ausführliche Beschreibung des Unicornu fossilis, welches in der Herrschaft Tonna gefunden worden, verfertigt von dem Collegio medico in Gotha. 1696. 4.

i. Vertheidigung des zu Tonna ausgegrabnen Einhorns, wider ein lateinisches Schreiben von dem daselbst ausgegrabnen Elephantencörper, welche das Collegium medicum in Gotha zum Druck befördert. 1697. 4.

j) v. IO. DIET. WINCKLER's theologische und philologische Abhandlungen T. II. p. 315.

k) CYSATI vier Waldstätten- See, sampt dero Gräntzen. Lucern. 1661. 4.  
p. 196 sq.

que patria sua aequa meritus, et si passim paradoxorum paulo aman-

tior, SAM. ENGEL, magis adhuc singularem de origine ipfissimo-

rum istorum ossium Lucernensium sententiam tulit, siquidem ea

ad angelos lapsos referebat quos aeuo praeadamitico aliquamdiu

planetem nostrum inhabitasse putabat l). Ipsé immortalis LEIB-

NITIVS dentem molarem elephantinum Tidae in terris Brunsuicen-

sibus effossum cuins curatam ceteroquin iconem protogaeis suis de-

stinauerat, ad animal quoddam marinum pertinuisse, censuit, quod

epigraphe iconismi declarat; quae nuperiorem adhuc de pétificatis

vt vulgo vocantur auctorēm (ceteroquin meritis suis in hanc disci-

plinae mineralogicae partem haud defraudandum) in alium denuo

errorem induxit vt ignorato loci quo dens iste erutus fuerat, no-

mine, hoc ipsum ad animal istud marinū pertinere scripserit. Ta-

ceo alios lapsus, quibus separatae molarium elephantorum iuniorum

laminae, a KVNDMANNO, medico Vratislauensi scriptis utilibus ad na-

turalem historiam claro, pro fossili papionis manū impensaæ rarita-

ties, ab aliis pro digitatis naturae lusibus, habitæ sunt; quas tamen

opiniones mire erroneas HARRERVS, doctus apud Ratisbonenses

pharmacopola iam ante 60 et quod excurrit, annos, ad naturae ve-

ritatem composuit m).

## §. 5.

*Rhinoceros antiquitalis.*

Verum vt e diuerticulo in viam redeamus et ad ipsa quae huic

excursui ansam praebuerunt, ossa fossilia Hercynica istius generis

animalium qualia hodie non nisi vrente sub coelo degere constat,

obiter saltem memorare liceat rhinocerotum iuniorum maxillares

B 2

dentes

l) *Essai sur cette question: quand et comment l'Amerique a-t-elle été peuplée*  
T. II. p. 328 et al.

m) in KOHLII gesammeltem Briefwechsel der Gelehrten T. I. p. 296 sq.

dentes nuper et in agro Gottingensi imo vero in ipsa vrbe cum puteus foderetur eruta esse n).

§. 6.

*Hyaena fossilis.*

Inter reliqua vero ossa e margaceo quod diximus strato prope Dorstam effossa principem tenet locum mandibula fere integra va-  
grandis, et quod dentes maxillares valde detriti testantur, annosae  
*Hyaenae* et quidem speciei quam *crocuteae* saltem simillimam fuisse  
asserere licet o). Peropportune enim accidit ut haud ita pridem ge-  
nerosissimus L. B. DE WILDVNGEN doctis super disciplina saltuaria  
et venatica scriptis clarus, supellectilem meam zootomicam inte-  
gerrimo cranio *crocuteae* capensis ditaret, quod magnitudine capiti  
osseο grandaeuae leaenae quam nuper anatomico cultro subieci, vix  
ac ne vix quidem cedit, et cuius maxilla inferior fossili isti in vni-  
versum ad amissimi similis est, nisi quod haec recentem adhuc vo-  
lumine, praesertim vero lateribus quae dentibus maxillaribus sub-  
iecta sunt magis validis et crassis, et angulo quo versus symphysin  
inuicem coeunt, magis obtuso, luculenter superet.

§. 7.

*Vrsus spelaeus.*

De *vrsi spelaeo* vero cuius osseum fossilium magnam vim ex-  
diuersis Germaniae specubus quae iis scatent ad manus habeo, bina  
saltem

n) Ad rhinocerotem quoque pertinere ossa fossilia, seculo XVII<sup>mo</sup> medio in  
Hercyniae vicinia prope Quedlinburgum eruta, diuque pro spoliis fabu-  
losi unicornu habitat et a summis doumuiris OTT. DE GVERICKE ET LEIB-  
NITIO classicis scriptis, illius sc. de vacuo spatio, et huius protogaeis ce-  
lebrata, probabile reddit I. A. C. GÖTZE über das vermeinte bey Quedlin-  
burg gefundene Einhorn. 1786. 8.

o) Supernacuum foret citare hic ill. CUVIERI ut de vniuersa naturali histo-  
ria ita in primis de fossilium quondam organicorum studio longe meritissi-  
mi vere classicum opus quod s. t. Recherches sur les Ossemens fossiles de  
quadrupèdes Par. 1812. VII vol. prodidit.

saltem addere liceat tam ingenteni eius si cum iis vrsini generis speciebus comparaueris quas hodie tellus fert, magnitudinem, quam longaeuitatem eius testantia. Prius, ut alia taceam argumenta, vel osse metatarsi secundi patet, in spelunca Scharzfeldensi reperto, quod cl<sup>mo</sup> SEBECK celebri physico debeo, quodque sex pollices longitudine superat, cum idem os in sceleto vrsi nostratis Alpini, perfecte adulti, vix ternos eiusmodi pollices mensura attingat. Longaeuitatem vero praeadamitici istius vrsi demonstrare videntur bini eius dentes lamarii inferiores, mirandae crassitiei, alter ex specu Gailenreutensi montis piniferi, ex Sundwichensi alter; quorum ille ad latus externum sulcum politum monstrat, perenni attritu superioris qui ipsi respondet dentis tam profunde exscalptum ut facile digitum indicem capiat; alter vero mandibulae adhuc infixus, usque ad radicem et ad cauum quod corpori dentium inest, adeo plane detritus ut ipsum hoc cauum superne foraminulo pateat. Quale quidem detrimentum durissimae substantiae corporis animalis, cum nunquam tale in numerosis vrsorum alpinorum, passim quod habitus testabatur valde grandaeuorum craniis quae videre mihi lieuit obseruaverim, spelaeum istum prisci aeui vrsum hodiernas huius generis species ut corporis magnitudine ita et seriore vitae termino longe superasse utique demonstrare videtur.

## §. 8.

*Electrum tropicae arboris resina.*

Sententiae vero, quam hactenus probare conati sunint, tropica ista ut brenibus vocare liceat, animalia mammalia, ex elephanticorum, rhinocerotum, leonum et hyaenarum ordine; quibus et vrsos hodie fossiles quos modo tetigimus, tanquam conterraneos eorum et coactaneos iungere oportet, neutquam diluicio quodam ex Indicis regionibus adiecta, sed ipsis istis terris in quibus reliquiae eorum hodie eruuntur, quondam indigena fuisse, nouum

adhuc accedit pondus curatiore indagine *succini*, rei, ut Leibnitio eleganter audit, terram inter et mare, lapidem inter et lacrymam arboris ambiguae. Satis diues enim apparatus, electri naturam et originem illustrans, quenq[ue] praesertim liberalitati Serenissimi Dvcis SAXO-GOTIANI, illustrissimi Comitis DE FINKENSTEIN-SCHOENBERG, et cel. HAGEN Professoris medicinae apud Regiomontanos meritissimi, Boruſorum Règi a consiliis medicis, debeo, continet praeter alia ultra 50 Specimina selectiora, varii generis insectis grauida maximam quidem partem ex Prussicis oris, nonnulla vero quoque ex terris Hannoueranis.

## §. 9.

*Succinum Hannoueranum.*

Nam et has electrum ferre iam a Leibnitio pròditum est, qui tempore Ioannis Friderici Ducis "ingentem eius massam in villa praefecturae Blumenau non longe ab Hannouera erutam esse" testatur, et "circa Gartouiam agri Luneburgensis oppidum frequentius succinum in paludosa ibi regione fodientibus occurrere, et varia inde parata, ac inter caetera vasculum satis amplum" saepiuscule se admiratum esse, in protogaeis memorat. Praesertim vero glessi feracia sunt littora sabulosa Albis qua oras Hannoueranas inter pagos Barnkrug et Grauwerort haud procul Butzletha, milliarii distantia ab vrbe Stadensi alluit p). Sparsimi ligno fossili internixtum est; quale tum illic e terra eruitur, tum vero et maris aestu statis horis aduehitur, quodque praeter alia minera ferri caerulea friabili qua rimae et fissurae eius scatent, memorabile esse, alias monuimus.

## §. 10.

p) v. omnium horum locorum situm accuratissime notatum in pulcherrima quæ ipsis his quibus commentatio haec typis mandatur diebus, Parisiis prodiit mappa Geographica Ostii Albis Fl. auctore viro ill. BEAUTEMPS-BEAUPRE nuper inter sodales exterios Regiae Societatis cooptato.

*Entomolithi succinei LINN.*

Quod vero succini specimina insectifera quae possideo attinet bina iis diluuntur asserta nuperis adhuc temporibus repetita. Alterum nempe infecta non nisi iis succinis inhaerere quae mare fert, non vero fossilibus quae e terrae visceribus eruuntur q). Alterum vero, ipsa ea infecta, electro inclusa, ex eorum saltem ordine esse quae longe lateque orbem terraqueum inhabitant r). Nam et si sane maxima eorum pars ad culices, empides, tipulas, formicas, araneas nostratis indigenis itemque in aliis remotioribus regionibus reperiundis, plus minus similes, pertineat, intercedit his tam en et insignis numerus exoticorum imo vero hodie non nisi tropicorum, partim vero eatenus incognitorum, vt iis quas nouimus speciebus quodammodo saltem similes, reuera tamen ab iis aequa diuersa sint ac elephas primigenius aut vrsus spelaeus a hodiernis eius generis speciebus vt vocantur, differunt. Refero huc ex iis quae mihi ad manus sunt, praeter Lepisma lineatae affine, Staphylinum (S. Oxyporum) rufo haud absimilem ait magnitudine eum longe excedentem s), aliaque, inprimis duas ab inuicem diuersas Blattas aut earum larvas nulli plane Europaearum quae hactenus innotuerunt comparandas, et ex iis quae iam alis suis instructa sunt, vnam superiorum hemelytrorum nitore aeneo versicolore pulcherrime conspicuam.

## §. 11.

*Fructus succiniferae arboris.*

Verum praeter hoc insectorum exoticorum aliud adhuc sententiae cui subscribimus accedit pondus curatiore indagatione fructus arboris

q) L. VON BACZKO *Geschichte Preussens* T. I. pag. 66.

r) cl. FLÜRKE, *Repertorium zur Naturkunde* T. I. P. I.

s) v. cl. GRAVENHORST *monograph. coleopterorum micropteron*. Gotting. 1803. pag. 235 sq.

arboris glessiferae, quales passim et si rarissime ligno eius bituminoso fossili, et *umbriae* in quam sensim fatiscit terrae, intermixta reperiuntur. Primus eos egregie descripsit supra laudatus cel. HAGEN t) cuius amicitiae etiam bina horum fructuum s. nucum amygdalae-formium exempla debo. Doctissimo SPRENGEL nucibus *Phyllanthi emblica* similes videntur u), a quibus mihi tamen, quantum ex iconе eorum in Horto Malabatico coniicere licet, valdopere differre videntur. Maiori e contrario probabilitate eos capsulis *Aloëxyli agallochi* Loureir. a Rumphio depictis conseruem, a quibus sane tam externo habitu quam interna structura proprius abesse videntur. Accedit tum ligni aloës s. calambac textura isti quam lignum succiniferum prae se fert, satis similis, tum vero ipsius electri cum resina odorifera pretiosa aloëxyli quam orientales auro cariorem aestimant, analogia. Vix tamen monitu opus erit, mihi hic saltem de aliquantilla, neutiquam vero de specifica et perfecta huius fructus aut ligni similitudine agi.

Obiter vero antequam succinum dimittamus, addere adhuc licet, me in tanto speciminum eius quibus heterogenea inclusa erant numero, hactenus ne ullum quidem vidisse quod praeter ligni sui festucas, alias genuinas vegetabilis partes, ut folia plantarum, muscos etc. ita contineret ut reuera pro talibus agnosci potuerint. Coniferarum enim putatua foliola quae mihi ad manus venerunt, non nisi festucae ligni videbantur, et quae pro aliis foliis venditabantur latiores fissuræ erant fusco aut viridescente mucore replete. Elegantissimi vero specimen cui grandiusculum flamen, filamentum sc. cum insidente ipsi anthera inerat, quod venerandus REIMARVS quondam noster, in museo suo seruabat, non pro genuino succino sed pro *Copalo* saltem habere potui. Bina quidem in propria supellectile

t) in GILBERTI *Annalen der Physik* T. XIX. P. II. 1805. pag. 181 sqq.

u) In AVG VON KOTZEBUE ältere Geschichte Preussens T. I. 1808. pag. 251. adhuc minus bene ad palmae cuiusdam fructum referuntur.

lectile possideo exempla succini Borussici quibus corpora peregrina continentur, vtique Iungermanniae cuidam valde similia, neque tamen adeo distincta vt extra dubitationis aleam ea posita esse asserere ausim.

## §. 12.

*Vegetabilia Chalcedoni inclusa.*

Interim quae modo de vegetabilibus succino contentis membrauimus ansam praebent etiam paucis de iis differendi quae passim *Chalcedoni inclusa* esse dicuntur. Cryptogamicas equidem plantulas aut saltēm partes earum in iis subinde reperiri, oculati asseruerunt testes FERBER, DAVBENTON, R. DE LISLE, L. DVTENS, negarunt contra COLLINI, BRARD alii. Quanquam vero facilis dederim multa quae subinde pro musciferis venditantur chalcedonis speciminibus non nisi ad vulgares Dendrachates vulgo sic dictos pertinere, ipse tamen plura istius generis lapidum exempla seruo, quorum contenta quiuis acute oculatus et botanice doctus arbiter qui ea in museo meo vīdit, genuinis conferuis vt ōuum ouo simillima videri profesus est. Aliqua eorum Islandica sunt, alia Sibirica e regione Catharinburgensi. In uno alteroue conferuae adhuc vel natuuo suo virore conspicuae in reliquis vero minus distinctae filamentis earum quasi mucore obductis.

## §. 13.

*Carpachates indicus.*

Verum maximum accedit pondus huic de vegetabilibus genuinis et indubiis chalcedoniae gemmae subinde inclusis sententiae egregio et nitidissimo *Carpachate* (vt vocare liceat) īdico quo carus quondam auditor cl. LIESCHING in vrbe Capensi ad promontorium bonae spei artem feliciter exercens, supellectilem meam mineralogicam ditauit.

Chalcedonius est s. Onyx candida vt olim audiebat, subglobosus, magnitudine fructus coffeae, coloris serosi adeo tamen translucidi vt primo intuitu innatos ipsi agnoscas binos tenues petiolos quorum cuius ad latus insidet pericarpium, tuberculis acutioribus hispidum, itidem vt passim conferuae quas modo memorauimus, mucore leuiter quasi incrustatum (— fig. 1. 2. —).

Aureo quo adhuc includitur annulo, gestauerat memorabilem hunc Carpachatem tanquam summae virtutis amuletum, regulus quidam (Malais Adeppaty) prouinciae Bandong in terris Iauae insulae Preangensibus.

#### §. 14.

#### *Vermiculatus lapis.*

Ingere liceat huic Carpolitho aliud fructificationis hodie fossilis itidemque durissimo lapidi e siliceorum genere inclusi exemplum, quod ad longe rarissima petrificata pertinet; *lapidem inquam vermiculatum* vt hactenus vulgo audiebat (*vernacula Madenstein*) quantum quidem noui hucusque vnico saltem loco, strato nempe conglomerato montis ventosi (Windberg) ad celebrem vallem Plauensem haud procul Dresdena, et quidem paucissimis exemplis ante hos vi-ginti et quod excurrit annos repertum x). Sparsi sunt silices, ad corneum quem vocant lapidem referendi, perduri, insignis politio-nis capaces, coloris ex subfuscō flavescentis, partim rubelli. Quod vero caput rei est, innumeris scatent corpusculis quondam organi-cis quae obiter saltem inspecta aliquam cum oniscis asellis simili-tudinem habere visa sunt. Ab aliis pro teredinum larvis quae ligna exedunt, aut scolopendris, aut cancris minutis, ab aliis vero pro corallicorum ostiis stellatis habebantur. SCHMIEDELIVS, idoneus ce-teroque huiusmodi rerum arbiter ea sane ad animale regnum per-tinere,

x) ANDR. TAVBER mineralogische Beschreibung des Plauischen Grundes in Gu. G. BECKERI splendido de eadem regione opere pag. 36 sqq.

tinere, nude afferuit y), et Fr. E. DE LIEBENROTH primus ni fal-lor qui vermiculati lapidis mentionem in scriptis fecit, absonam sane opinionem vocat accurati ceterum obseruatoris cuius nomen tacet, quod ea corpuscula non animalcula sed fatiscentes plantas cuiusdam capsulas seminiferas fuisse autumarit z). Et hunc tamen virum, quem desideratissimum BATSCHIVM Professorem quondam Ienensem fuisse puto, rem acu tetigisse confido, siquidem ea cor-puscula proxime a fructificatione Onoclearum et cognatarum filicum arborearum quales hodie tropicis regionibus indigenae sunt, abesse videntur; quod quidem ex accurata iconē (— fig. 3. 4. —) patebit, praeferunt ad luculentum specimen confecta, qnod egregio minera-logo perill. DE HOFF dēbeo.

## §. 15.

*Coralliolithi perperam pro nucibus myristicis fossilibus habiti.*

In ea Septentrionali terrarum Hannoueranarum plaga quae Visurgim et Albim interiacet, et in vniuersum animalium quondam marinorum iam vero in silicem pyrrhomachum versorum admodum diues est, subinde, et si rarius reperitur eiusdem generis aenigmaticum petrificatorum genus subglobosum, in inferiore sui parte scro-biculo, reliqua vero superficie irregularibus sulcis notatum, quod praeferunt cum et magnitudine nucem moschatam aequaret, primi qui eius mentionem fecerunt, oryctologi, VOLKMANNVS a), KVND-MANNVS b), aliique c) pro nucleo myristicae aromaticae habuerunt, nuperior vero et de petrificatorum descriptione meritissimus WAL-

C 2

CHIVS

- y) In CHR. GOTTL. PÖTZSCH *Bemerkungen über das Vorkommen des Gras-nits in geschichteten Bänken* pag. 379.
- z) v. El. *geognostische Beobachtungen in der Gegend von Dresden* pag. 61.
- a) *Siles. subterrān.* pag. 129. tab. 22. fig. 6. et tab. 24. fig. 4.
- b) *Rarior. naturae et artis.* pag. 144. 148. tab. 9. fig. 2. 3.
- c) Imo adhuc I. SAM. SCHRÖTER in *vollständ. Einleit. in die Geschichte der Versteinerungen* T. III. pag. 181 sq.

chijs Carpolithis hactenus incognitis adnumerare nullus dubitauit. Verum ut alia taceam, huic opinioni iam hoc repugnat quod innumerā ea quibus passim intermixta reperiuntur itidem in silicem Pyrrhomachum versa petrificata ad unum omnia animalis originis et quidem ex vermium eorum classe sint quos oceanum quondam incoluisse in apricō est, in quibus, praesertim in Ducatus Bremensis terris fabulosis et viginosis, multifariae echinitarum et coralliorum genera abundant. Magnitudine quidem et formae aliqua similitudine fossile de quo agimus parum a vulgatioribus qui ibidem loci reperiuntur echinitorum nucleis lapideis abesse videntur; at enim vero cum nullum eius specimen vel minimum ambulacrorum ut vocantur et areolarum vestigium monstrat, verum uniuersa superficies externa vnicē irregularibus sulcis lirata sit, facile intelligitur id ipsum minime crustaceorum ordini quo echini marini pertinent; sed corallīis potius accensendum esse. Et quidem in his probabiliter pro alcyonii cuiusdam nucleo habendum videtur; praesertim cum iisdem quae diximus stratis et aliud in pyrrhomachum silicem versus reperiatur corallii genus oblongum, dactyli fructum figura et magnitudine quodammodo referens (— fig. 5. 6. —) priori isti de quo egimus haud absimile, cuius vero corallinam originem tam regulares magis et porosae sulcorum series, quam cellulae iisdem intus in ipsa silicis substantia respondentes, magis adhuc extra dubitationis aleam ponere videntur.

## §. 16.

*Cerallinolithi Cellenses.*

Longe vero ab his diuersa est ratio et habitus aliorum generum coralliorum quae in fabuletis ericaeis principatus Cellensis sparsa reperiuntur <sup>d)</sup>). Minuta ea sunt et partim fere microscopicā Lithophyta

ad

<sup>d)</sup> I. TAVBE in *Annalen der Braunschwe. Lüneburg. Churlande* II. Jahrg.  
3. St. pag. 156.

ad Celleporas, Flustras et Tubularias pertinentia, recentibus quas  
hodie Oceanus fouet speciebus (v. c. *Tubulariae dichotomae* et *fistulosae*,  
*Flustrae frondosae* et *truncatae*, *Celleporae ligulatae* etc.)  
plus minus analoga, neutiquam tamen perfecte similia. Itidem qui-  
dem in pyrrhomachum versa sunt, et magnam partem ipsis silicibus  
inclusa sunt, praeterea autem insignis quoque eorum pars externam  
eorum superficiem, libere et fere ut lichenes arborum cortices, ob-  
sident, ita ut tenerrimae eti durissimae arbusculae siliceae, poris cel-  
lulisque suis distincte notatae, non nisi stemmatibus, aut passim una  
alteraue rainuscotorum parte lapidi adhaereant, cetera vero nuda et  
libera ex eo emineant. (— fig. 7. — e)) quo quidem eleganti habitu  
prae aliis silicibus pyrrhomachis eminent qui quidem similia te-  
nella lithophyta sed non nisi lapideae massae inhaerentia monstrant;  
qualia v. c. quod notatu dignum, vel in ipsis istis silicibus reperi qui  
in pulchrum lapidem Anglicum cui a prunis nomen datum est  
(*Pudding-stone*) conglomerati sunt, adeoque antiquum valde aeuum  
in quo zoophyta ista vitalia extiterunt testari videntur. Ipsae vero  
hae subtilissimorum Lithophytorum elegantissimae siluulae cretacea  
quasi crusta, suspensa manu facile remouenda, obductae sunt, cui  
quidem integerim earum in tanta teneritate conseruationem de-  
bere facile patet, et quae simul geologicae de prisco borealium in  
terrīs Hannoueranis regionum statu sententiae adamussim respondet,  
magnam scil. earum partem cretaceis stratis, quae tantum non semi-  
per petrificatis siliceis scatent, tecta fuisse, quae vero temporis pro-  
gressu sensim soluta et abluta non nisi pyrrhomachos silices quos  
antea in visceribus suis fouverant, iam nuda et dispersa reliquerunt.

- e) Vnum e multis elegantissimis speciminibus, quorum copiam collegit filius  
carissimus, G. BLYMENBACH.

\* \* \*

AD PRIVS SPECIMEN  
ARCHÆOLOGIAE TELLVRIS  
EPIMETRVM.

Vt in vniuersum praefens commentatio priori isti argumento suo respondet, ita praesertim auctaria ad binas eas petrificatorum classes in ista consitutas continet, quarum altera ea fossilia complectitur, quae ipsam superficiem primaevae telluris maximam partem plane subuersam testantur, vt corallia de quibus modo egimus; altera vero ea continet, quae climatum telluris mutationem vniuersalem declarare videntur, vt animalium hodie tropicorum ossa aut insecta succino inclusa et fructus arboris quae nobilem istam resnam praebuit. Ne vero et nuperiora, de quibus tunc egimus, fossilia corporum organicorum superstitionem et quidem iis locis vbi eruuntur indigenorum, intacta relinquamus, ansam praebent memorabilia sceleta fossilia vere humana quae in littore insulae Indiae occidentalis *Guadeloupe*, massæ lapideæ duriæ marmoris, increta, nuper reperta sunt, quorumque vnum fere integrum nunc, museo Britannico illatum et a viro celeb. CAR. KÖNIG curate descriptum est. Cum vero memorabile hoc et in suo genere vnicum phaenomenon vnanimi curatorum geologorum sententiae quam et ipse priori commentatione defendi repugnare videantur, qua ne vnum quidem genuinum ac omni exceptione maiorem anthropolithum hactenus demonstratum esse contendunt, ante omnia lapidis natum cui tanquam in matrice sua sceleta ista fossilia reperiuntur, curatius indagare auebam; cuius quidem voti fauentibus ipso cl. KÖNIG et generofiss. GEO. H. LYTELTON compos factus, varia lapideæ istius massæ specimina ad vnum omnia ad conglomeratum litorale ex detritis testaceorum fragminibus arenatis coalitum pertinere vidi. Maxima harum arenularum testacearum pars ab inuicem distingui potest,

potest, passim tamen et glutini calcareo quo iunguntur eodem modo confusae sunt, quo et subinde oolithorum vulgo sic dictorum et pisolithorum globulos in massam homogeneam quasi delicuisse videimus. Genesin vero conglomerati istius litoralis ad oculum demonstrare licuit integrâ serie speciminum ex variis quidem quas Oceanus alluit oris collatorum, initium faciendo ab elegantissima arena margaritaeformi insulae Ascensionis quam OSBECKIVS in itinere suo curatissime descriptis et cel. eius praceptor nomine calcis testudineae systemati naturae inseruit, cuius quidem globuli tam magnitudine quam forma at lacteo colore proxime ab iis absunt, quibus matrix anthropolithorum Guadelupenſum constat. Medium vero quasi transitumque, istius arenae ad hunc lapidem ex similibus granulis concretum praeter alia id genus conglomerata litoralia tenet eiusmodi specimen ex Angliae oris quod amicissimo meo HAVSMANNO debo, et quod facilem ortum lapidis de quo agimus Indiae occidentalis, ex arena testacea luculenter monstrat. Quibus si addideris quae iam cl. KÖNIG. curate obseruanit, corporum marinorum fragmina quae lapidi isti passim inhaerent, vnicce ex eorum genere esse quae vel hodie ad oras istarum insularum occidentalium adhuc viuunt, vt Helix acuta et Millepora miniacea sane et humanos eos sceletos non ad Praeadamitas, sed verisimilime ad Caribaeos, istius plagae incolas autochthones referre licebit. Accedit quod cl. LAVAYSE in itinere ad insulam Trinitatis memorauit eos Galiborum sceletos fossiles vna semper eademque directione, ab oriente nempe versus occidentem, lapideae suae matrici inhaerere, immo vero et passim pone eos in eodem isto conglomerato arma lapidea et vtensilia reperi, iis simillima quibus Indos Caribaeos haud ita pridem vlos esse nouimus.

*Corollaria.*

Bina interim coronidis loco ex hoc memorabili phaenomeno deducere liceat conjectaria. Alterum scil. quod ipsum illud cuius meminimus momentum, non nisi cochleas et corallia hodie adhuc oris istarum insularum indigena, conglomerato isti, cui sceleta Galibia inhaerent, admixta esse, nouum et memorabile praebeat exemplum summae dignitatis quam characteres quos ill. WERNER empiricos vocat, ex accessoriis fossili cuidam admixtis desumti, ad philosophicum petrificatorum studium, in primis ad chronologicum eorum ordinem constituendam, habeant: Alterum vero, quod curatior quam adhuc exspectare licet, indagationis et modi quo sceleta ista arenosis quondam stratis, postea in massam lapideam induratis, immersa fuere, post tot alia quorum nonnulla priore specimine commemorauimus, nouo exemplo erunt lucis, quam geologicum studium particularium in orbis terrauei superficie conuersionum, ex ipsa humani generis historia lucrari possit.

\* \* \*

## ICONVM SYLLABVS.

- 
- Fig. 1. Carpachates indicus. pag. 18.
  - Fig. 2. Fructificationum ipsi inclusarum altera seorsim delineata. ib.
  - Fig. 3. Lapis vermiculatus. pag. 19.
  - Fig. 4. Fructificationum quibus scatet icon lente paulo aucta. ib.
  - Fig. 5. Alcyoniolites Stadensis. pag. 20.
  - Fig. 6. Eiusdem transuersim secti interior facies. ib.
  - Fig. 7. Corallinolites Cellensis. pag. 21.
-











